

皇朝詞林典故

卷四十三

之四十四

PL
2548
C55
1887
V.24

LIBRARY
MAR 24 1975

皇朝詞林典故卷四十三

藝文

翰林院題名碑記

徐乾學

翰林院設於唐開元中。自諸曹尚書。

下至校書郎。均得與選。入院者概稱

爲學士。有待詔供奉之名。憲宗時置

皇朝詞林典故卷四十三

藝文

〔記〕

翰林院題名碑記

徐乾學

翰林院設於唐開元中。自諸曹尚書。下至校書郎。均得與選。入院者概稱爲學士。有待詔供奉之名。憲宗時置。

學士承旨。在學士之上。至宋始定制。資淺者爲直院。暫行者爲權直。而學士之職。始貴爲院長。明初又設講讀學士。講讀修撰編檢諸員。其制大備。時入院者不專進士科。至天順間。李賢建議。始盡用進士。我

朝因明之舊。間損益唐宋明初之制。辟

薦者得入翰林。

天子加意文學。才士蔚興。儒林文苑之官。多至不可勝數。夫翰林爲朝廷文學侍從之臣。居禁近。掌制誥。公輔之望。由此其選。非可以雕蟲篆刻之才當之也。予自庚戌釋褐。先後官翰林。垂二十年。自信樸僊。無他長。惟是一言一

議亦欲溯其源。究其用。本經術以經
世務。期不愧於自古在昔。立言不朽
之義。方力焉而未有逮也。其敢以虛
名譁世乎。尚論有明館閣文章之盛。
莫如洪武。太祖蒐羅元世文獻之遺。
徵辟在列。如高青邱。陶主敬。宋景濂。
王子充。張志道。方希直。及練黃諸公。

淵源相禪。不特文章爾雅。亦多以節義表見者。永洪之際。則有三楊二王。南陳北李。勲業政績。卓然可傳。至於成宏之世。久享隆平。風流宏長。於時懷麓滄洲。張其赤幟。白沙定山。分道揚鑣。熊峯圭峯。振之東江。輩世人比之蘇門六子者。大半在詞林。他如柴

墟。鶴灘。儼山。升菴。二汪。皆以讀書汲
古爲能事。導揚風雅。表儀詞垣。降至
隆萬。東阿臨朐。猶能學有根柢。詞知
體要。不失前人矩度。自是而後。才雋
輩出。競以浮華相矜詡。枝葉愈繁。流
趨愈下。言文章者。至以詞林相訾謗。
則政事可知已。予在史館。論次有明

一代文章政事升降之故。不禁慨焉。
歎息。嘗怪文學如道思。應德。熙甫。功。
名理學如廷益。伯安。德溫。諸公。皆不。
與館閣之選。其在館閣者。鉅儒偉人。
又或不由於科目。胡仲申。趙子常。徐。
大年。王常宗。以布衣預修國史。名爛。
天壤。其由進士爲詞林者。二百七十。

年中何止數千人。其傳者可指而數。
故知人能重官。官不能重人也。天官
家謂柱史一星。在勾陳帝座之側。爲
翰林之象。予幸遭際

休明。兄弟踵武入翰林。爲希世之遇。顧
予老將智而耄及。無能報稱。其在列
諸公。當必有遠勝曩代者。上應

昌期而舉臣職。抑尤有望於後來者也。
故敢援據舊聞。申之以文題名之石。
告後之君子。

翰林院教習堂題名碑記

徐乾學

古之造就人才。如周禮大司徒鄉大
夫賓興之法。戴記文王世子大樂正

之教國子。其制備矣。其後考亭西山

分年讀書法。講求尤詳。然皆未仕以

前也。其教於士。既出身以後。則莫如

翰林院教習之法。初明洪武時。選天

下舉人。年少質美者。張唯等十八。擢

翰林院編修。入文華堂肄業。詔宋濂

桂彥良爲其師。帝政暇。輒臨幸考業。

親第高下。光祿給饌。太子諸王迭爲之主。賜白金鞍馬。冬夏衣裘。及永樂二年。遂選進士二十八人。復益以周忱一人。就文淵閣進學。給筆札。分鈔賜第。隆禮過之。時榮其選。謂之二十八宿。其中如王文端直。李忠文。時勉。陳文定。敬宗。周文襄。忱。後皆爲名臣。

德業文辭。照耀一代。稱極盛已。自此
每科庶吉士。皆教習以學士爲師。然
沿襲旣久。學堂程課。僅同邨塾師生。
相習爲軟熟套爛之文。今所傳館課
文字是已。以是士氣奄奄。卒於不振。
然其害猶未甚也。自正嘉間。姚江立
教。以象山之心學。兼永康之功利。徐

文貞當國。私便其說。至張江陵爲館師。令庶常日見上計吏。咨訪利病。接引賓客。漸事招搖。而士氣一變矣。趙大洲之爲教習也。則導士子以講誦。楞嚴經。引釋入儒。滅裂名教。此得罪吾道之大者。流風牽引。不知底止。其禍至今未艾矣。我

皇上道德沖備。益之聖學。欲復天下之心。一歸之於古。以爲翰林侍從官。備啟沃顧問。尤不可以無加意。於是常賜考試。親第甲乙。如舊制。時召對便殿。講說義理。良久乃罷。乙丑春。旣賜進士及第出身。選入庶常有差。所司以教習請。

上特命予以內閣學士。與院長共蒞其事。明年夏。遷禮部去。有司請更代。

上命之如故。自惟孤陋。游膺異數。循省悚惶。憶予之初入翰林也。館師孝感公。痛闕異端。昌明考亭之絕學。於旣晦之後。斯文賴以無墜。乃本其意。撰爲條例十餘則。進庶吉士而告之。大抵以

立志希聖。力崇正學。爲第一義。季有
程。月有課。所以磨礪而董率之者。不
敢蹈常習故。苟且塞責也。務使其見
於言者。一以六經四子爲歸。而立德
立功。皆足以儲爲天下國家之用。以
無負

皇上惓惓作人之意而已。而數年以來。予所

見一館之人才。亦彬彬足觀矣。然而前人之爲此者。其才其學。皆足以十倍於予。而缺然未有題名。則孰知其教之有所自也。因畧稽開國以來姓名。鑱石壁間。若以予之偶嘗盡心於此。而汲汲於後之視今。則意之所不敢出矣。

詹事府題名碑記

徐乾學

考官制。東宮官屬。置詹事府以統衆。
務。置左右二春坊以領諸局。三代以
後。莫備於唐。厯紀相沿。迨我

世祖皇帝御極。初載有仍弗替。惟時官屬虛
冗。始議裁去。我

皇上繼統之十有五年。乃仿舊制復設是署。

澤州陳公來掌詹事。予爲贊善。規畫制度。一切草創。陳公命予實經理之。二十三年冬。予以侍講學士。蒙恩特賜擢用。以十一月受事。復修陳公之政。明年。遷閣學以去。予居是職雖未久。顧其始也。際復設之初。得從賢端尹後。勑制條綱。張舉節目。非同他時。祇

以優游坐受成事。予又幸得備位宮僚。屬有厚幸。欽惟

皇上萬幾之暇。究覽經史。未明而興。漏下不輟。凡所以迪

前光而詒後昆者。雖一言一動。莫不躬爲表率。端型樹範。垂萬世無疆之休。然則爲臣子者。稟受

成規。贊翼於下。宜何如小心勤慎。崇實學。黜
浮華。思其居以副其職。無負清班。而

仰酬

德意也哉。謹因刊泐題名而爲之記。以爲我

同寅勗焉。

賜遊暢春園玉泉山記

張玉書

康熙三十八年四月初四日辛未。

上御暢春園內澹寧居。辦事畢。傳大學士翰

林院掌院學士等。同進

暢春園看花。從

澹寧居。右。入至

淵鑒齋前。沿河堤列坐。

賜飯畢。諸

臣

縱觀巖壑。花光水色。互相映帶。

園外諸山。歷歷環拱如屏障。

上御船遶

淵鑒齋而下。

命諸

臣

從岸上隨船行。諸

臣

過橋向西北行。

一路目不給賞。至花深處。是時丁香

盛開。數千樹遠近爛漫。

上登岸。

命諸臣隨行。遇名勝處。輒

親賜指示。諸

臣

得一見所未見。遊畢。回至

淵鑒齋前謝

恩而出。是日。

上隨諭諸

臣

玉泉山。邇日景物正佳。初六日

早。再來同遊。初六癸酉早。

上御玉泉山靜明園。諸

臣

俱集。從園西門入。

園在山麓。環山爲界。林木蓊鬱。結構

精雅。池臺亭館。初無人工雕飾。而因
高就下。曲折奇勝。入者幾不辨東西
徑路。攀躋而上。歷山腰諸洞。直至山
頂。眺望西山諸勝。

上傳諭諸

臣

俱乘船回。各家人役皆攜襪被

先至西直門伺候。諸

臣

出至園門外

謝

恩皆稱

臣

等生平經歷山水勝槩。從未得如

此耳目開滌。心神怡曠。真天作地成。

以貽

皇上蒙

恩賜遊。實千古未有之幸。

上遂登舟。留大船二。一

賜親王乘坐。一令諸

臣

並載。并差員前往啟

聞沿途稻田村舍。烏魚翔泳。宛然江鄉風景。而郊原豐縟。氣象又爲過之。諸_臣至西直門登岸。莫不踴躍歡欣。慶

聖世泰交之盛。自卷阿遊歌以後。曠世僅見云。

賜遊化育溝後苑記

張玉書

康熙四十七年五月十八日。

駕至化育溝行宮。扈從內大臣各給房五間。

皆倚山爲壁。草木蓊翳。具有幽致。臣

初與扈從亦分給焉。二十二日有

旨命同內大臣。肅章京。一等待衛。及衆翰林官。遊觀後苑。從東掖門北行。緣路皆菜畦蔬圃。內地諸蔬悉具。而野花雜

卉錯出於其間。其北面則灤河之水引入小河中。碧波澄徹。可以見底。魚名柳根赤者極多。水至清。而魚咸孳生。游泳於內。亦一異也。苑內疊石處少。絕無經營締構之迹。其曲折蜿蜒。坡陀高下。皆因任自然。輒饒幽勝。山境葱鬱。在萬峯環抱中。而地勢又極

疎曠。遙矚之。則邃如也。平覽之。則廓如也。內地實罕有此勝概。渡河而北。爲

澄鑑亭。又行則爲

霞標。又左則爲

四面雲山。復過一河。則爲

宛在亭。皆有

御題扁額。是日

上御苑在亭。東西座爲

皇子亭。旁左三間。諸滿臣列坐於內。右

三間。則臣與諸翰林坐焉。

賜食四盒。凡十數器。俱異常膳。又從

御前徹。賜口外百合一盃。極甘美。乳調雉羹。

亦平生所未食。又

特賜

臣

麪食一器。令攜回寓舍。皆珍品也。其

音樂。則昇平雅奏。與外廷迴別。諸臣

宴賞盡歡。午餘方罷。

臣

與翰林諸臣

同至直廬謝

恩。隨又賜金蓮花一瓶。是特移種於口外者。

鮮妍可愛。與五臺山所產無異。他省

諸山。未之見也。

賜遊哈喇和屯後苑記
張玉書

五月二十四日。

駕自化育溝移蹕哈喇和屯。蒙古所謂烏城

也有。

御製碑文。在

勅建穹覽寺內。二十七日。有

旨。命同滿大臣等。遊觀後苑。從西旁門入。經

一大軒。額曰松壑清越。登山至一佛
寺。爲慈雲大士閣。有藏經在焉。佛像
及供器。皆與外製者不同。出閣經一
軒。曰泉蘿幽映。渡浮橋北行。橋下爲
灤水。從西來。分爲支河。引入苑內。河
中魚至多。又行一徑。至

行殿前。面山臨流。山石嶙峋。聳削。上建

二亭。卽所謂小金山者。時同翰林諸臣於

殿旁選石而坐。賜有蒲席坐墊少頃。

賜食五器。各飽飫畢。渡橋登山。

命內侍導行時。

上遙望諭曰。可隨意徧觀。勿拘形迹。因厯覽前後二亭。前一亭淺深規制俱與金

山留雲亭彷彿。亭聯曰。丹地平臨。霽
夕月懸高閣。靈池不鑿。雨時雲起。澄
潭。可以想見勝概。後一小亭絕類金
山吞海亭。且相望。一大石在河中流。
與善財石無別。此小金山所由名也。
臣徘徊久之。江天風景。宛然在目。因
對諸臣言。不意身在塞外。復遊故山。

真人生之希遇也。諸_臣皆相顧感歎。

非

聖恩安能至此。旣下。循長堤而行。觀金蓮花。

種植凡數畝。色正黃。彌望奇英煥爛。

足壓諸花之上。其他野卉不知名者。

不可勝紀。回至

行殿前。內侍導從殿左行。所厯多佳勝。

渡浮橋而南。至一別殿。曰寄雲涵碧。四面皆垂簾。曠覽無際。所列異花最盛。轉至水次。登舟。絕灤水而渡。伊蘇河水。水中有大洲。上有軒額曰烟月清真。聯曰。山林依石瀨。溪谷潤清波。去軒數十武。有亭曰積翠。聯曰垂釣有深意。望山多遠情。南有小亭曰碧。

玉鬢自此登舟。復渡至灤水。乃登岸。

同翰林諸臣至直廬謝

恩。

澄懷八友圖記

汪由敦

澄懷園在

圓明園東南隅半里許。館舍數十楹。巖壑蔽虧。陂池演迤。雜樹檜栢榆柳。清

三言木其古 卷四三
陰襲人稱消暑勝地。

世宗憲皇帝恩賜內廷侍直諸臣分寓其中。

予以直

南書房來寓。至庚午。

賜居麗景軒。前後左右。皆諸公寓直處也。直
尚書房者八人。而寓園居其六。丙子仲
夏。有善畫者常生至。乃卽園中景繪

八友圖。步而向板橋。奚奴捧書隨者。
爲少詹事介休梁確軒。橋之左竚俟
者。爲學士仁和周葯欄。葯欄素善琴。
一童子捧古錦囊。盛素琴一。其所嘗
操者也。緣山蹊稍折。山麓縮而嵌。山
之巔。蒼松數株。落落如離立。兩髯翁
對坐其下。一爲少司馬武進程莘田。

髯多而半白者。爲學士會稽周蘭坡。
各拈詩韻。若聯句狀。旁有一人獨坐
梧陰下。執紙筆欲作書者。則副都御
史安州陳月溪云。涼亭前數童奴展
畫卷。一白鬚老人從旁指點。則金匱
張酉堂。其一屹立諦視者。爲少司馬
長白觀補亭。補亭與確軒皆不寓園

中。然下直輒數數至。不異鄰並最後
一人。揮羽扇飄然而來。髯頭童挈茶
具。隨後行。則少司寇漳浦蔡葛山也。
之八友者。生不必一地。官不必同階。
齒不必相若。顧以遭際

盛時。偕直

禁近。寅同入。申同出。風雨寒暑未嘗間。

至其退食餘閒。雍容諧暢。羔羊委蛇
之風。金蘭臭味之雅。情愔款洽。八人
者無異一人。信仕宦中不可多得之
境。其寫而傳之也固宜。圖旣成。以余
同居園中。屬爲記。憶昔居斯園者。南
齋諸公而外。若太傅高安朱文端公。
相國桐城張文和公。少宗伯漳浦蔡

文勤公。大中丞鄞縣邵公。宗丞荆溪任公。咸以魁壘耆碩。勸講

東序。余嘗接其緒論。清風雅度。至今猶想見眉宇。惜當其時。未有圖之者。八公繼諸先正後。其爲是圖。意蓋有在矣。異日披閱指數。其道德聞望。卓然輝映。豈徒優游清暇。徧林泉之賞覽。

爲詞林美談而已。余雖與諸公分曹殊直。而清溪秀石間。燈火相照。喜諸公之不余棄也。故不辭而書於卷端。且爲之篆。

漢掌院題名碑記

朱珣珪

翰林之有掌院學士。唐宋承旨之職也。明初爲正三品。洪武十四年改正。

五品。洪熙元年始加師保則一品加
尚書二品。侍郎卿三品。其時若楊榮。
金幼孜。楊士奇。黃淮等是也。我

朝天聰十年。建內三院。曰內國史院。內

秘書院。內弘文院。順治十五年。裁內

三院。爲殿閣大學士。置翰林院。定掌

院學士。秩五品。十八年。復內三院。康

熙九年復置翰林院掌院學士兼禮
部侍郎。二十八年以大學士徐元文
兼管掌院事。則重臣兼領之始也。翰
林舊有題名碑。歲久漫漶。不可識別
矣。嘉慶八年癸亥冬。以明年甲子春。
皇上諏吉幸院。時掌院英公和與予謀。謹
詳考其名。大書刻石於二門之內。東

西並立兩碑。左爲滿掌院。自折公庫
納。至少司農英公共三十二人。右爲
漢掌院。自王公熙熊公賜履至珪共
三十人。按德大宗伯文莊公與英少
司農父子。世掌院事。視珪座主鄂剛
烈公。繼太傅文端先師阿文勤公暨
文成公逮孫那大宗伯彥成三世矣。

與桐城張文端。文和。皆世繼其美。真盛事也。而考漢掌院中。若李安溪之經學。孫合河之理學。先師劉文正公之剛毅。表表在人耳目。尤於諸賢中。足爲斯文模楷者。珪幸得廁於其後。而科分已歸然靈光矣。後之視今。猶今之視昔也。將置我於何等。敢不自

勵。而與諸同官交勉之。謹記。

復古藤書屋記

朱珪

澄懷園。在近光樓之東。爲桐城張文和公直園。傳於休寧汪文端公。爲麗景軒。後諸城劉文正公居之。不戒於火。就其地改築。傳之漳浦蔡文恪公。賜園之東偏。有屋三楹。其庭植紫藤二本。每

夏花葉葳蕤。漳浦葛山相公居此時。
武進程文恭公來直宿則寓焉。日晚
二老對談於藤花下。望之如仙。及嘉
慶辛酉。珪蒙

恩賜居園中。則藤卧於地。而屋爲輿夫所
踞。珪蹙然不安於懷。壬戌春。乃先構
藤之架。而別葺三間於其南。以處輿

夫改是屋之櫺窗。而開戶於其西。通牖於其左。闢門以達寢室。以是爲客坐。蒔花樹於其後。院前築籬以掩映古藤。爲之外屏。倬然改觀。與嘉客落成之。乃悟曰。室猶人也。人之耳目心體。隔閼於外。則生意荏然。蕪穢而不治。反視內聽。而通睿於靈臺。則營衛

周流瑩然洞然。滿腔皆生機矣。是舉也。豈獨以潤屋求舊云爾哉。易曰不遠復。無祇悔。元吉。吾將以爲吾身心之鑒。作復古藤書屋記。

滿掌院題名碑記

英和

乾隆九年甲子。

高宗純皇帝臨幸翰林院。時先文莊公官檢

討。先伯父文恭公官侍講。得與分韻。
聯句之列。嗣先後掌院事。清華濟美。
詞林榮之。今

天子典學右文。光被四表。甲子之春。舉行
幸院舊典。顯融懿鑠。千載一時。而和適膺
掌院之職。仰惟

兩朝作述之隆。俯慶一家遭逢之幸。踴躍忭

舞。無能爲喻。旣念

國家。慎選儒臣。規式隆備。冀其淹貫經

史。諳練古今。以儲公輔卿貳之器。而

掌院一官。近俱以重臣兼。揚厲鋪張。

黼黻潤色。固職所當然。而未足以盡

報稱之責也。和年方三十餘。遽冠清

班。幸直

南書房得聞

聖人之教。竊願與同館諸君子。砥行勵名。
敦崇實學。用副

皇上嘉惠優崇之意志焉。未逮。殊以自愧。
署中舊有掌院題名碑。建於乾隆十
年。半漫漶不可識。因與掌院大興石
君先生。謀於二門內分建滿漢二碑。

彙輯前後居是官者。我滿洲得三十
二人。非徒以誌稽古之榮也。企前修。
堅素志。將於是乎在。旣以自勗。並以
諭後之來者。謹記。

近光樓記

英和

澄懷園。爲康熙朝大學士索公園也。
當其時。

鑾輅賁臨。

宸翰親染。士大夫相與榮之。如三神山之可

望不可卽也。雍正乾隆年間。先後

賜兩書房爲下直之所。蓋曠典也。後不戒於

火。

發內帑重葺。煥然一新。而向之水檻山茨。不復覩矣。巋然獨存者。惟斯樓耳。和於

壬戌正月。

召入南齋。得居是園。每過樓下。低徊久之。

所爲歸然者。又將頽然矣。因鳩工補

綴。而樓復完。名公巨卿。咸有題詠。非

樓之幸。實和之幸也。夫居是樓者。不

知凡幾。和之後。又不知居者之爲誰

何也。可慨也。然後之居者。一如和之

整棖桷。蒔花木。勤灑掃。護持而不使
其荒落。則亦烏足致嘅耶。是爲記。

皇朝詞林典故卷四十三

皇朝詞林典故卷四十四

藝文

賦

瀛臺

賜宴賞花賦

謹序

張英

時當清宴。海宇謐寧。

皇上以聽政之暇。

臨幸西苑。俯念諸臣勞於職事。

特行曠典。

召集瀛臺。

賜之宴飲。凡公卿侍從臺省之臣。咸得與焉。

溫綸春藹。

聖澤如天。誠太平盛事。千載一遇也。小臣隨

惇史之末班。幸際

昌期。躬霑。

湛露。不揣固陋。謹拜手以誌其盛。賦曰。維深。

嚴之。

紫禁。當。

宮闕之西隅。啟薇垣之右掖。居金兌之。

雲衢。爲燕閒之勝地。比瑤島之仙都。

宮槐百尺。

御柳千株。山名萬歲。鎮北極而環

神武。水遡玉泉。八

太液而泛蓬壺。清流潨洄於玉砌。蒼林

掩映夫金鋪。北則有瓊華之島。窈蒼

翠而玲瓏。南則有迎薰之亭。燦金碧

而穹窿。蠶室峙其西。蕉園列其東。其

臨流也。則朱闌繡柱者。水雲之榭。其

冠山也。則穿雲竦漢者。

瀛臺之宮。九島紆折於百步。三亭宛轉而相通。浦號藏舟。煙波深杳。臺名垂釣。淪漪旋繞。雕梁落影於波心。

瑤殿分光於霞表。望

雙闕之觚稜。隔瀟湘而縹緲。好鳥集於菰蒲。嘉魚唼夫蘋藻。其制作之麗密。

也。銅龍噴水而泉落雲標。金鳳銜珠而光騰樹杪。礎甃畫蟠螭之象。藻井有垂蓮之巧。水檻則下瞰潛蛟。山樓則平臨飛鳥。其爲橋也。石鯨飛動。玉螭逶迤。遙接乎西城之陰。遠通乎北渚之湄。堆雲積翠。龍卧虹垂。帶晚霞而璀璨。射朝旭而陸離。其爲木也。槐

陰葱鬱。松影參差。琪花瑤草。湘芷江
蘼。圓殿之古栢。千層霄而蔽日。兔園
之薜蘿。垂倒影而臨池。其爲舟也。龍
樓鳳舸。望若丹霞。月臺宏敞。仙鷁繁
華。開綺窗而近柳。坐瓊筵而泛花。疑
鑑湖之鼓楫。仿銀漢之乘槎。又有百
果之園。百鳥之室。桃杏棗梨。有蕃其

實孔雀鸚鵡。鴛鴦鸕鶿。入瑤筐者珍
果盈千。閉雕籠者文禽非一。外則繚
垣周布。羅列星廬。萬象隱見於雲樹。
西山翠滴於庭除。內則珠簾玉檻。雕
櫳綺疏。耀晴雲與碧澗。若水晶之映
璠璣。上則飛薨寶頂。纓絡瓊琚。似浮
空而未落。出高柳而憑虛。下則流觴

曲沼鳴湍石渠。時潺湲於水碓。泉聲
落而徐徐洵。

皇宮之壯麗。豈數乎瀛洲方丈之所書。若乃
時當避暑。新荷滿汀。紅蕖吐艷。翠蓋
高擎。千頃一色。紫萼朱英。朝簾初捲。
望之若繁星之輝碧。落夕幔未收。睇
之如朱霞之在赤城。獨其發潛淵而

振采。泛清泉而濯莖。實甘旨而芳烈。
藕雪淨而水晶。製芰荷以爲衣。豈同
乎凡卉之徒榮。所以風人采之。媲美
於幽人之潔。楚騷詠焉。比德於君子
之清。爾其帶雨含煙。飏風浥露。北渚
叢生。南洲密布。時開時落。或妍或素。
曉氣空濛。微香暗度。此固景色之尤

佳。而園林之堪賦者也。

皇帝躬親庶政。勤勞萬幾。日旰而食。未明求

衣。值勵精之偶暇。暫宴息於

宮闈。是時也。晴雲卷。香露晞。乘

法駕。載鸞旂。過垂楊之輦道。臨沼沚之芳菲。

喜棠棣之交映。快花萼之羣輝。乃設

玉醴。布華筵。開水殿。對芳蓮。金盤玉

筋。舉網烹鮮。

念諸臣之在職。皆鞅掌於經年。舉

泰交之盛事。同慶賞於花前。開堯室之衢尊。

列周京之豆籩。是時鴛鴦成行。簪裾

咸集。佩綬懸魚。聯珠合璧。露湛仙醪。

霞張綺席。分左右而成行。舒鸞鳳之

彩翮。花夾岸而錦帳生香。柳覆堤而

長廊盡碧。羣虎拜而揚休。承

天語之渥澤。如登春臺。羣心悅懌。

天子乃御畫舸。泛南河。篙師擊楫。榜人和歌。

龍氣遙成五采。結飛蓋而凌波。舟頻

移於密藻。櫂自轉於新荷。起沙鷗與

白鷺。迎錦纜而偏多。乃

命羣臣。咸登畫舫。大官設席。酒正司釀。水平

若鏡微波細浪。擊汰乎臨漪之亭。迴
舫乎平橋之上。坐昆明之碧水。眺香
山之疊嶂。極遊觀而未已。許溯洄而
蕩漾。舟隨浦曲。人與花深。桂橈頻轉。
蘭槳遙尋。旣遍乎芙蓉之沼。遠泊乎
槐柳之陰。飫

君恩之無極。感遭遇於臣心。猗歟盛哉。繼在

鎬之休風。修曲江之遺事。賞花垂釣。
嗣徽宋宗。栢梁賦詩。軼美漢禩。信可
垂於

國書。亦足風茲有位。

天池

御苑以泳以游。惠風遐暢。嘉氣旁流。

皇心載悅。羣工咸休。以示慈惠。匪樂優游。期

上下之交勵當勉乎爲楫而爲舟。雖翱翔於

西掖而

心實周乎四海與九州。

頌

聖祖仁皇帝

御書道德仁藝扁額恭頌

韓奕莢

大書特書。

天宇發蒙。字如爻繫。經義昭融。警覺提撕。振
古洪鐘。

聖德渾全。藝事旁通。乾體日強。筆健飛龍。得
心運手。元氣化工。

聖祖仁皇帝

御書德業仁義扁額恭頌

徐秉義

聖謨洋洋。闡揚洙泗。進修德業。率由仁義。遠

邇高卑。昭揭所自。

揮毫過賜。時雨之至。榮光萬丈。際天蟠地。壽

世無極。赤文綠字。

跋

聖祖仁皇帝

御書存誠石刻恭跋

沈荃

伏覩

皇上仁智性成。從容中道。已臻至誠純一之
域。乃猶孜孜遜敏。存養勿怠。特書此
二字。以示臣工。臣荃屢叨
殊眷重荷。

寵施。敢不與同事諸臣夙夜寅恭。勉副我

皇上諄勗至意。敬勒貞石。藏諸府署。用垂不
朽。至於

宸翰結體蒼古。展勢雄奇。宛然龍跳虎卧。微

臣

更何能一辭仰贊

高深也。

聖祖仁皇帝

御書龍飛鳳舞石刻恭跋
陳廷敬

龍飛鳳舞

御書四字。康熙十七年閏三月二十八日

皇上以賜臣廷敬者也。臣叨塵

講席。多歷年所。伏覩我

皇上欽明濬哲。典學敷文。視朝聽政之暇。手

不釋卷。講誦至夜分不少懈。發爲篇

章。炳炳烺烺。如日月中天。照耀下土。

時以餘力臨池灑翰。筆法精妙。實絕

古今。臣謹按孝經援神契曰。奎主文

章。蒼頡效象。宋均注。奎星屈曲相鉤。
似文字之畫。傳稱庖羲作龍書。少昊
作鸞鳳書。蓋書契之興。自古聖帝哲
王。類以此化成天下。臣以愚陋荷
知遇。俾掌院事。茲蒙

賜

御筆。恭勒堅珉。安翰林院敬一亭中。用垂悠

久。使觀者知

聖主嚮學勤於宵旰。所以風勵羣工。意至渥也。凡文學侍從之臣。敢不孜孜矻矻。

夙夜靖共。以對揚

休命。爰拜手稽首而恭跋於後。

聖祖仁皇帝

御書卷恭跋

張玉書

三朝言林典故 卷四十四
皇上既頒

御書數百幅。

分賜在廷諸臣而

御前所存者尚積數千幅之多。十二月十二

日。

召

臣

玉書。

臣

鴻緒偕內直

臣

廷敬。

臣

杜訥。

臣

昇于南書房公同排類以備

宣賜。臣等仰惟

皇上總攬萬幾。躬親裁決。未嘗刻晷少羈。政務偶暇。卽披覽經史。發爲鴻文雅什。無不超絕今古。而又精研書法。自晉唐以迄近代。凡屬能書之家。悉皆虛懷臨倣。而經緯在手。變化從心。揮毫獨運。包舉衆美。所臨舊蹟。視原本嘗

百倍過之。非

天縱生知。兼以遜志時敏之學。安能臻此。臣

等瞻仰之下。欽服欣忭。恭請鈞摹勒

石。垂示永久。

聖心沖抑。未卽俞允。臣等固請再三。伏蒙

皇上頒發黃樹子賦。臨董其昌書一卷。神采

煥爛。結構精警。無法不備。無體不賅。

實董其昌所未能到。茲勒石既竟。星
日光華。照耀萬世。臣等拜手稽首敬
跋數語於卷末。以志榮慶。

聖祖仁皇帝

御製登景山詩恭跋

張英

康熙十七年五月十一日。

皇上以幾務之暇。偶幸景山。命臣英。臣士奇。

侍從。

上攬轡登景山之巔。周覽四郊。俯視宮闕。東望薊門。西眺桑乾。烟樹蒼深。河流浩漭。近在指顧之間。

天顏怡暢。二臣咸得寓目焉。時則禾稼被野。方待優渥之澤。俄而雲起西麓。雨過龍樓。

聖心顧而悅之。

御製詩一章。有時雨將來之句。詩中之所謂

君臣同樂者。蓋有樂乎此也。臣自蒙

恩入侍

禁廷。

天章雲漢。時得而捧讀之。大約篇什之中。必
以四海八荒爲念。蒼生赤子爲心。上

述

祖德躬展孝思。憫農事之艱難。勞征人之况
瘁。揆諸古昔。虞帝喜起之歌。武王戶
牖之銘。其曷加焉。故雖一豫一遊。一
篇一詠。而心不忘乎百姓如此。則凡
觸乎
聖衷。而發爲

睿藻者。皆於此可類觀矣。豈獨光麗日星。聲
諧金石。足以超往牒而軼前軌哉。七

月十八日。

上御迎涼之殿。揮灑

宸翰。書此詩以賜二臣。楷法精嚴。龍翔鳳峙。

此希世之鴻寶。二臣何敢私焉。敬勒

之貞石以明

聖心之所在。獨重民時。亦以幸二臣之榮遇。
千古不多見。而愧汗惶悚之不能已
也。

補刻明董其昌成樂軒記後跋

梁詩正

右華亭董宗伯書成樂軒記。軒在翰
林署。臨瀛洲亭之北。肇自前明嘉靖

間。有石額曰成樂。款署松溪子立。嗣
後宗伯推明厥旨。補爲撰記。而未經
礱石。其草藁流傳。爲今溧陽相國秘
翫。余以掌院事。偕相國入直之餘。間
徵翰苑故實。相國出此本見示。筆墨
精妙無倫。味其言洵足爲後學龜鑑。
乃前此摩刻有缺。豈其有待於今耶。

因命工勒之貞珉。陷置壁間。與題額互相輝映。庶幾兩美之合乎。

館選錄跋

曹秀先

翰林字義昉於漢。至唐時然後有官。官名備於有明。初預選館是爲庶吉士。故甲乙榜者。士人進身之始。而庶吉士者。又翰林官進身之始也。我

朝作述相承。嚮用文學。館選之期。爰定。
清漢書庶吉士若而人。以就課試。寓
有館邸。贍有月費。煌乎煒乎。殆誠遠
軼前古者矣。百年以來。賢哲踵武。同
年友沈椒園錄之。都爲一集。附諸剗
劂。此直以進身之始。諸君子名氏。可
得而稽考也。至於名氏之傳與弗傳。

雖不盡繫此編。然以討論典故。博雅所尚。則又烏可少哉。

高宗純皇帝八旬萬壽恭紀跋

彭元瑞

臣瑞恭譔八庚全韻嘏詞。自維殖薄文蕪。凡所排次。皆我

皇上聖政聖學。紀事臚歡。匪敢云陳詩抒頌。

也。既塵。

御覽。蒙。

恩召對。

親加指示。

謂長律最重格調。須首尾平仄相爲鈎貫。八

庚百八十有九字一字一韻。遂至末句與

首句不黏。雖韻字所限。而詩體未嚴。應於

首句入韻。以成耦數。格調始臻完善。臣恭

聆驚服。方頓首申謝之頃。卽承

天語裁定。移詩末庚字韻於起句。以標部首。

改末聯二句。以合黏法。於是曠若發

蒙。犁然至當。迴思操觚之際。注想躊

躕。無從措手。而

聖人一覽而燭之。一語而正之。匪特

灼知抑

予曲成。折片語於豪芒。壓萬響於

聲振。

造化在心。

經綸在手。凡平日

用。人行政。胥準諸此。而

詩律之細。特出緒餘。且以

聖壽八旬之年。察邇言而

敷彛訓。逢原左右。聲入心通。通書所謂誠精
故明神應故妙。益徵

純古之精神。舉凡耄耄之齡。疇能幾及萬一

也哉。自古人臣以文章受知者。若楊

徽之選十聯。柳公權之賡一韻。卽已

詒爲殊榮。傳諸詩話。從未有臣下之

詩。仰邀

天章筆削者。不材之木。霑

滴露而向榮。在礦之金。入

洪鑪而成器。臣以禱昧。仰邀

誨育有年。偶獲一知半解。皆由

牖迪之恩。三生多幸。

君以

作師。執經請業。正未有艾。所謂膺服者真服。

而心悅者真悅也。謹重繕一通。附諸

末簡。以彰

詩教。以寫感銘。

皇朝詞林典故卷四十四



